



SURUHANJAYA PILIHAN RAYA MALAYSIA

KENYATAAN MEDIA

Bil. 93 / 2019

INISIATIF PROGRAM LATIHAN COMMONWEALTH ELECTION PROFESSIONAL (CEP): MEMPERKASA PILIHAN RAYA DI KALANGAN NEGARA KOMANWEL ASIA

1. Suruhanjaya Pilihan Raya (SPR) bekerjasama dengan Sekretariat Komanwel dalam menganjurkan Program Latihan Commonwealth Election Professional (CEP) di Kuala Lumpur dari 25 hingga 29 November 2019. Program ini dihadiri seramai 19 peserta dari badan pengurusan pilihan raya terdiri daripada Bangladesh (4), India (4), Pakistan (4), Sri Lanka (2), Australia (1) dan Malaysia (4).
2. Program ini merupakan program yang julung kali diadakan di rantau Asia. Malaysia dengan hasil kerjasama SPR dan Kementerian Luar Negeri telah menerima tawaran penganjuran bersama Sekretariat Komanwel yang mana ia akan diadakan di Hotel Hilton, Kuala Lumpur.
3. Program Commonwealth Election Professional (CEP) adalah satu program untuk menyokong negara-negara anggota dalam melaksanakan pilihan raya yang berwibawa dan juga berperanan dalam melatih dan membangunkan pegawai-pegawai yang menjalankan proses pilihan raya secara profesional.
4. Program ini telah mengumpulkan tenaga profesional di dalam bidang pilihan raya yang akan berkongsi maklumat melalui sesi

perkongsian pengetahuan, pengalaman dan amalan baik di kalangan penceramah dan para peserta CEP.

5. Terdapat (5) lima topik akan dibincangkan dalam program ini dan ia akan menjurus kepada cabaran untuk mempromosikan pilihan raya yang bebas, inklusif dan telus kepada pegawai-pegawai dari badan-badan pengurusan pilihan raya. Topik yang akan dibincangkan adalah :

- i) Sistem Pilihan Raya: Mempromosikan Demokrasi Mampan;
- ii) Pendaftaran Pengundi;
- iii) Kesaksamaan Gender Dan Pilihan Raya;
- iv) Pendidikan Pengundi; dan
- v) Pilihan Raya Dalam Era Media Baharu.

6. Selain dari pakar juru runding yang di bawa oleh Sekretariat Komanwel, SPR turut mengenengahkan 2 orang penceramah pakar dari Malaysia. Penceramah ini terdiri daripada Dr. Mohd Faisal Syam bin Abdol Hazis, Ahli SPR yang akan membicarakan topik Sistem Pilihan Raya: Mempromosikan Demokrasi Mampan manakala Profesor Zaharom Nain dari Universiti Nottingham, Kampus Malaysia pula akan membincangkan topik Pilihan Raya Dalam Era Media Baharu.

7. Selain daripada peluang untuk pembangunan kapasiti, Program Latihan CEP ini juga turut mewujudkan peluang untuk memperluaskan rangkaian perhubungan di kalangan pegawai-pegawai badan pengurusan pilihan raya. Selain itu, Sekretariat Komanwel juga telah mewujudkan satu platform rangkaian dalam talian untuk pegawai profesional pilihan

raya berhubung antara satu sama lain melalui platform Commonwealth Connects.

8. SPR ingin mengucapkan terima kasih kepada Sekretariat Komanwel, Kementerian Luar Negeri, penceramah-penceramah, para peserta dan urusetia yang telah menjayakan Program Latihan CEP pada kali ini.

Sekian, terima kasih.

DATUK AZHAR AZIZAN HARUN

Pengerusi

Suruhanjaya Pilihan Raya (SPR) Malaysia

Tarikh : 25 November 2019 / 28 Rabiulawal 1441H